



Aqqalu C.Jerimiassen  
Atassut

UKA 2024/29  
03. oktober 2024

**Sumiiffinni immikkut toqqakkani takornariartunut kiffartuussinernik  
ingerlatsinissamut akuersissuteqartarneq pillugu Inatsisartut inatsisissaattut  
siunnersuut**

(Inuussutissarsiornermut, Niuernermet, Aatsitassanut, Inatsisit Atuutsinneqarnerannut  
Naligiissitaanermullu Naalakkersuisoq)

Sooq naalakkersuisut tunniussisuusassappat akuersissummik?

Una inatsisissaq isumaqataanarsinnaalluaruttortoq ajoraluartumik tassuuna annertuumik  
kingarneqarpoq.

Paaserusunnartua assut tassaalerpoq; uani inatsimmi nutartertariaqalersimasumi ila  
ilikkagaqarsimannginnersugununa? Imaluunniit qanoq ilikkagaqartigaluta  
ingerlariaqqikkusuppugummita?

Periarfissaatinnagu akuersissutinik tunniussisarneq, tamakkiisumik kommuninut akisussaaffittaa  
tunniunneqarniarli.

Uanili nikeriaqqinnermi tullermi ingerlasussami naalakkersuisut qujanarpoq taamannak nunatsinni  
namminersortunut inuiaqatigiinnullu illersuutaasinnaasussamik suliaqarmata. Tassami ukiorpanni  
tusartuareerparput, killiffiit maanna atuuttut avataaniit qalooripallaannarnissamut  
ammatisivallaarujussuartut nunatsinnullu annerusumik iluaqutaanatik.

Pissanngatissat ilagiligassaat tassaalerpoq, maanna taama annertutigisumik pisortat suliffeqarfiutaat  
takornariaqarnerup iluani unammillertigitillugit nunaqqatitsinnut namminersortunut, una  
inatsisissaq tamassumunnga killiliinnginnersoq, aammattaarlu pisortat suliffeqarfiit pigisaat  
nunatsinni annerusumik namminersortortatsinnik atuinatik, nunatta avataanit piginilinnit  
salliuutitsisarnerattaq akueriuminaareeqimmat.

Killilersuutit assigiinngitsut nunaqqatitsinnut namminersortunut illersuinerulernissaat  
neriunaateqarsinnaasoq uani Atassummiit takusinnaasoraarput, taamaalitinnaguli mianerisassagut  
annertuumik eqqummaariffigisariaqarpagut, tassami maanna pissutsit atuuttut  
allangupiloorniartussaaneri inatsisit atuutilersinnerisigut qularnarunnaareemat.

Avataaniit takornariaqarnermi suleqateqateqarnissaq takornarialerisunit soorunami  
avaqqukkuminaattuvoq, tamannalumi allangorunnangitsoq uani inatsisissami  
naatsorsuutigaarputtaaq Atassummiit.



Nunaminertalli kisermaassilluni atorneqarsinnaalersussat eqqarsaatigissagaanni, Atassummiit ataatsimiitsitaliami suliarineqarnerminni erseqqissumik qulaajarneqartariaqartussanut ilaasoriivipparput, nunaqqatigut atuisartut pinngortitamik.

Tassami piniarfiit, tatsillumi eqalunniarfiusartut arlaatigut atuisartutoqaasut takornarialerisullu akornnganni aporaaffinngunngilluinnarnissaat eqqanaartariaqavissoratsigu, tamattami pinngortitamiinnermik annerusumik minnerusumilluunniit atuisuuvugut, eqalunniartarfiillu qaatuussarisagut assut ataqqisarisuullutigit sineriak tamaat. Uanilu paatsooqatigiinnikkut kisermaassisussaannermik pissarsisimasup, taavalu asiartartutoqaasup akornngani iluaalliummik pisoqannginnissaanut inatsimmi eqqanaarummik peqartariaqarnissaa pisariaqarpoq.

Inuussutissarsiortortagut namminersortut aporfissaqannginnerpaaffissaminniittariaqarput soqutigisamik ingerlannissaanut, nunaminertamillu atuinissamik qinnuteqarniarniarnerminni suliffeqarfipiluunersuartut piareersimareertarnissaanittaaq eqqarsartaaseqarneq illikangassaavoq, taannami kisimi avataaneersunut pisortallu suliffeqarfiutaannut naleqqussagaammat, aappaluttumik politikkimut.

Kommunilli aammattaaq pisinnaatinneqartariaqarput, ilumut kisermaassilluni inuussutissarsiutingalugu nunaminertamik agguarusunnersut.

Tassami assersuutitut taaneqarsinnaasut ilagaat Avannaata Kommunia, tassani kommunalbestyrelsi tamarmiisoq aaliangernikuuvoq taamannak periuseqarluni nunaminertamik kisermaassinermik agguasooqartassanngitsoq, illuanilli nalinginnaasumik nunaminertamik qinnuteqarnertut periuseq toqqarsimallugu. Taamaattumik nunatta immikkoortorpassuunut assigiinngeqisunut naleqquttumik immikkuutaartumillu malitassaqaarnissattaaq pisariaqassaqaq.

Kommunimmi qiviariarutsigit qanoq assigiinngitsigineri, soorlu Qeqqata Kommunia Kommuneqarfik Sermersoorlu, sermiunngitsumik nunataqassutsimikkut kommunit sinnerinut imaaliinnarlugit assersuukkuminaapput, nunatakinnerusullu taamannak ingerlatsinissamut tunuarsimaassappata tupinnartuliaassanngitsoq Atassummiit isumaqarpugut.

Uanili ataatsimittaaq neqeroortitsisarnermut inatsit assingalugu immikkukajaaq illuinnartumik kisermaassisussaataitanermut nunaminertamut nunap assignanut ikkunneqarnikuusimannngitsumik qinnuteqartoqariasartillugu, taannalu atuisooersimappat tassani piffissami takornarialerisooerluni, inatsisikkut tamanut ammasumik neqeroortitseqqaanngikkaluarluni kommunalbestyrelsi taamatullu namminersorlutik oqartussat suleqatigiinnerisigut akuersissummik tunniussisoqarsinnaanera eqqarsaasersuutigineqarsinnaalluarpoq. Malugalugu, aatsaat pissutissaqavinnermi.

Taamatut Atassummiit oqaaseqaateqarluta, inatsisissamut siunnersuummut soqutiginningaarlu Inuussutissarsiornermut Aatsitassanullu ataatsimiitsitaliamut innersuupparput.